

JABATAN KORPORAT DAN PERHUBUNGAN  
ANTARABANGSA

TARIKH:06.09.2022 MASA:12.50pm

**MUKTAMAD**



## MAJLIS BANDARAYA SEBERANG PERAI

### TEKS UCAPAN

**YBHG. DATO' AZHAR BIN HAJI ARSHAD  
DATUK BANDAR SEBERANG PERAI**

### SEMPENA

**MAJLIS PERASMIAN PERTANDINGAN SNUKER  
TERTUTUP MBSP 2022**

### TARIKH / MASA / TEMPAT

**07 SEPTEMBER 2022 (RABU)  
5.45 PETANG**

**CORNER POCKET SNOOKER CENTRE  
BUKIT MERTAJAM**

Bismillahir Rahmanir Rahim

Assalamu'alaikum Warahmatullahi Wabarakatuh,

Selamat Petang dan Salam Sejahtera,

Alhamdulillah, saya memanjatkan kesyukuran ke hadrat Allah S.W.T. kerana dengan izin dan limpah kurnia-Nya kita dapat bersama-sama pada petang ini dalam Majlis Perasmian Pertandingan Snuker Tertutup MBSP 2022 di *Corner Pocket Snooker Centre*, Bukit Mertajam anjuran Persatuan Kebajikan Sukan & Sosial Majlis Bandaraya Seberang Perai (PESUKA).

Terlebih dahulu saya ingin merakamkan penghargaan dan ucapan ribuan terima kasih kepada Ahli-Ahli Majlis, Tuan Setiausaha Bandaraya, Encik Mat Nasir bin Hassan selaku Naib Pengerusi PESUKA dan kesemua barisan Ahli Jawatankuasa PESUKA, Ketua-Ketua Jabatan dan Pegawai-Pegawai Kanan MBSP, Pegawai-Pegawai Teknikal dan Pengadil, seterusnya pemain-pemain snuker yang akan beraksi dalam pertandingan hari ini dan para hadirin dan hadirat yang dihormati sekalian.

Sekalung penghargaan dan ucapan terima kasih kepada Yang Berbahagia Dato' Tan Cheong Heng, Presiden Persatuan Billiard & Snuker Pulau Pinang yang telah menaja pertandingan snuker ini; serta Ahli-Ahli

Majlis yang telah menyumbangkan peruntukan untuk menjayakan pertandingan ini.

Saya amat menghargai penglibatan tuan-tuan dan puan-puan dalam menjayakan pertandingan yang diadakan pada hari ini. Sesungguhnya saya berasa amat gembira dapat bersama-sama dengan anda semua dalam majlis ini. Dengan rasa bangga dan semangatnya, saya ingin mengucapkan **tahniah dan syabas** atas kejayaan penganjuran Pertandingan Snuker Tertutup MBSP di bawah PESUKA serta memastikan pertandingan ini berjalan dengan lancar. Ini menunjukkan semangat kerjasama, berganding bahu dan muhibbah di kalangan Jawatankuasa Penganjur juga bersama pemain-pemain semua.

**Yang Berbahagia Dato', Tuan-Tuan Dan Puan-Puan Yang Dihormati  
Sekalian,**

Pertandingan Snuker Tertutup MBSP 2022 dianjurkan oleh PESUKA adalah sebagai satu usaha untuk mewujudkan semangat kesukanan bersatu padu, bertoleransi, sikap menerima kekalahan serta meraikan menang di kalangan kakitangan. Selain itu ianya adalah untuk mencungkil bakat dalam membentuk pasukan yang lebih kompetitif dan berdaya siang.

Pertandingan seumpama ini menyediakan ruang untuk riadah dan rekreasi agar kesihatan kakitangan terjaga.

Program pertandingan snuker ini selari dengan Penang2030 di bawah tema A iaitu "*Increase liveability to enhance quality of life*" dan mengikut inisiatif strategi A4 iaitu "*Diversify recreation, sports, arts and culture facilities*". Bersukan melalui aktiviti seperti snuker, badminton, hoki, bola sepak, berbasikal dan lain-lain lagi adalah aktiviti-aktiviti sosial yang telah dan akan diketengahkan oleh MBSP. Selain bersantai, bersukan mengeluarkan peluh adalah satu aktiviti menyihatkan badan yang perlu dilaksanakan oleh MBSP dalam membudayakan gaya hidup sihat dalam kalangan warga kerja MBSP dan masyarakat umum.

Acara-acara sukan seperti ini dan program senam sihat MBSP sesungguhnya merupakan antara medium yang boleh menyatukan masyarakat tanpa mengira pangkat, usia, jantina dan bangsa. Kehidupan yang cergas dan aktif adalah penting untuk kesihatan tubuh badan dan seterusnya akan menghasilkan fikiran yang cerdas dan minda yang kreatif. Badan yang sihat juga akan melahirkan insan yang cergas dengan minda yang cerdas. Gabungan ciri-ciri ini akan mencorakkan personaliti yang terbaik dalam diri kita, sekaligus memberikan idea atau sumbangan yang kreatif dan produktif kepada organisasi.

**Yang Berbahagia Dato', Tuan-Tuan Dan Puan-Puan Yang Dihormati  
Sekalian,**

Pertandingan Snuker Tertutup MBSP ini diperkenalkan dengan penyertaan yang dihadkan hanya kepada warga kerja MBSP dan Ahli Majlis MBSP sahaja. Pertandingan tahunan ini kali pertama diadakan pada tahun 2016, tetapi tidak dijalankan pada tahun 2020 dan 2021 akibat penularan penyakit Covid-19. Tahun ini, pertandingan snuker ini memperlihatkan penglibatan yang memberangsangkan dengan penyertaan seramai 64 orang.

Hadiah kemenangan berupa wang tunai akan diberikan kepada pemenang pertama sehingga ke-16, di mana hadiah utama atau johan mencecah sehingga RM1,000.00.

**Yang Berbahagia Dato', Tuan-Tuan Dan Puan-Puan Yang Dihormati  
Sekalian,**

Saya ingin merakamkan ucapan terima kasih dan sekalung penghargaan kepada semua pemain yang bertanding. Tahniah pada pemain yang berjaya dalam pertandingan ini, dan pada yang tidak berjaya, janganlah berputus asa, kekalkan semangat dan cuba lagi pada masa akan datang. Yang penting adalah pengalaman dan kesedaran yang diperolehi yang amat bermakna bagi setiap pemain. MBSP dan PESUKA akan memperbanyakkan lagi sukan-sukan seperti ini.

Akhir kata, setinggi-tinggi penghargaan kepada semua terutama barisan ahli Jawatankuasa Penganjur daripada PESUKA, penaja program dan penyumbang-penyumbang di atas kejayaan penganjuran Pertandingan Snuker Tertutup MBSP 2022. Bagi pemian-pemain yang terlibat, terima kasih kerana meluangkan masa menyertai pertandingan ini. Ini peluang yang sangat baik untuk berjumpa dengan rakan-rakan sekerja dalam suasana yang lebih santai dan sihat.

Dengan lafaz **Bismillahi Rahmanir Rahim**, saya merasmikan  
Pertandingan Snuker Tertutup MBSP 2022.

**“SELAMAT BERSUKAN”**

**Sekian, terima kasih.**

***Wabillahi Taufik Wal Hidayah, Wassalamualaikum Warahmatullahi  
Wabarakatuh.***